

unum ekki skylt að taka til greina athugasemdir við afreikning, þær er síðar koma fram.

- 6.3. Reikningsár STEFs er almanaksárið.
- 6.4. Ársreikningur STEFs skal endurskoðaður ár hvert af löggiltum endurskoðanda og sendur kjörnum endurskoðendum samtakanna, en þeir skulu aftur senda ársreikninginn til stjórnar STEFs með athugasemdum sínum. Skal reikningurinn síðan, ásamt öðrum reikningum samtakanna, lagður fyrir aðalfund fulltrúaráðs þeirra til samþykktar. Þeir fulltrúaráðsmenn, sem þess óska, geta fengið afhent eintak af ársreikningum daginn fyrir aðalfund.

7. Önnur ákvæði.

- 7.1. Samþykktum þessum verður aðeins breytt á aðalfundi fulltrúaráðsins, þar sem 3/4 hlutar fulltrúa eru mættir og 4/5 hlutar þeirra greiða breytingunni atkvæði.
- 7.2. STEF verður því aðeins lagt niður að um það sé gerð samþykkt á fundi í fulltrúaráði STEFs eftir þeim reglum sem greindar eru í grein 7.1. Skal þá sá fundur ráðstafa eignum samtakanna og gera aðrar nauðsynlegar ráðstafanir er að slitum þeirra lúta.
- 7.3. Samþykktir þessar öðlast gildi nú þegar.

Ákvæði til bráðabirgða:

Þegar eftir að samþykktir þessar hafa hlotið samþykki skal Félag tónskálda og texta höfunda tilnefna formann STEFs til tveggja ára og Tónskáldafélag Íslands varaformann til sama tíma, sbr. grein 4.3.

Samþykkt á aðalfundi STEFs 16. maí 1992.

Með birtingu þessari staðfestist hér með lögformleg viðurkenning Sambands tónskálda og eigenda flutningsréttar - STEF á grundvelli 23. gr. höfundalaga nr. 73/1972, sbr. 6. gr. laga nr. 57/1992.

Menntamálaráðuneytinu, 1. mars 1996.

Björn Bjarnason.

Þórunn J. Hafstein.

REGLUGERÐ

um breytingu á reglugerð nr. 210/1993 um Lánasjóð íslenskra námsmanna með síðari breytingum.

1. gr.

5. gr. orðist svo:

Stjórn sjóðsins er heimilt að setja nánari reglur um til hvaða sérnáms skuli lánað.

2. gr.

Reglugerð þessi, sem sett er með heimild í 16. gr. laga nr. 21/1992 um Lánasjóð íslenskra námsmanna, öðlast þegar gildi.

Menntamálaráðuneytinu, 29. mars 1996.

Björn Bjarnason.

Þórunn J. Hafstein.